

SAK 6 // ENDRING AV VEDTEKTER FOR SGN OG FJORDANE FOLKEMUSIKKLAG

Til: Årsmøtet

Frå: Styret

Styret har gått gjennom vedtekten for Sogn og Fjordane Folkemusikklag og funne behov for å gjere endringar då vi meiner gjeldande vedtekter bør samsvare med etablert praksis for organisasjonen sitt arbeid.

Styret sitt framlegg til endring av vedtekter gjeld innhald i:

§1 FØREMÅL

I gjeldande vedtekter heiter det at SFFL skal arbeide for å fremje interessa for folkemusikk og folkedans. Laget skal dyrke og ta vare på dei lokale tradisjonane i slåttespel, vokal folkemusikk og bygdedans.

Styret meiner at føremålet bør endrast og utvidast slik at det samsvarar med SFFL sitt arbeid i praksis og innhald i SFFL sine tiltak og arrangement.

Styret meiner at føremålet ikkje bør avgrensast til å fremje interesse for folkemusikk og folkedans, men at SFFL bør arbeide for å ta vare på og vidareformidle folkemusikktradisjonane i fylket gjennom å arbeide for å auke kunnskapen om, kjennskapen til og interessa for desse.

Vidare meiner styret at arbeidet til SFFL ikkje bør avgrense seg til slåttespel og bygdedans, men også omfatte den tradisjonelle runddansen og –musikken.

Styret meiner også at SFFL sitt føremål bør vere avgrensa til folkemusikk- og dansetradisjonar i Sogn og Fjordane, då andre organisasjonar, som t.d. FolkOrg, forvaltar nasjonale interesser.

Med grunnlag i dette, fremjar styret framlegg om ny føremålsparagraf:

§1 FØREMÅL

Sogn og Fjordane Folkemusikklag skal arbeide for å ta vare på og vidareformidle folkemusikktradisjonane i Sogn og Fjordane gjennom å arbeide for å auke kunnskapen om, kjennskapen til og interessa for tradisjonelt spel, song og dans.

ENDRINGAR I ANDRE PARAGRAFAR

Med bakgrunn i at Landslaget for Spelemenn sidan 2010 har blitt samanslutta med NFD i den nye organisasjonen FolkOrg, meiner styret at vedtekten bør endrast i samsvar med dette. Det vil seie at Landslaget for Spelemenn går ut som nemning, og blir erstatta med FolkOrg.

Vidare har styret gjort mindre språklege endringar som ikkje får konsekvensar for innhaldet i gjeldande vedtekter.

FRAMLEGG TIL NYE VEDTEKTER FOR SOGN OG FJORDANE FOLKEMUSIKKLAG (SFFL)

§1 FØREMÅL

Sogn og Fjordane Folkemusikklag skal arbeide for å ta vare på og vidareformidle folkemusikktradisjonane i Sogn og Fjordane gjennom å arbeide for å auke kunnskapen om, kjennskapen til og interessa for tradisjonelt spel, song og dans.

§2 LAGSOPPGÅVER

SFFL skal:

- samordne arbeidet for folkemusikk og -dans i samsvar med føremålet for organisasjonen
- leggje tilhøve til rette for arbeidet i lokallaga
- medverke til å skipe nye lokallag
- drive opplærings- og kursverksemd
- i samsvar med føremålet ivareta interessene andsynes fylkeskommunale styresmakter
- syte for at det vert skipa til fylkeskappleik kvart år

§3 MEDLEMSKAP. TILKNYTTING

Fylkeslaget er knytt til Folkemusikk- og folkedansorganisasjonen i Noreg (FolkOrg).

Alle lokallaga i fylket som er med i FolkOrg er medlemmer av SFFL.

Lokallaga betaler medlemskontingent til SFFL. Einskildmedlemmer kan bli direkte medlemmer i SFFL dersom dei ikkje naturleg kan vere medlem i eit lokallag. Dei betalar kontingen til FolkOrg og SFFL.

§4 ÅRSMØTE

Årsmøte vert halde kvart år og skal avviklast før årsmøtet i FolkOrg.

Alle medlemmer i lokallag eller direkte medlemmer har møte- og talerett. Kvart lokallag har rett på 2 utsendingar. Røysterett på årsmøtet har dei valde utsendingane og styret i SFFL. Styret i SFFL har ikkje røysterett ved handsaming av årsmelding og rekneskap.

Framlegg til saker som skal opp på årsmøtet til avgjerd, må sendast til styret seinast 5 veker før årsmøtet. Lokallaga skal ha melding om tidspunkt for årsmøtet i god tid før denne fristen.

Sakliste vert sendt lokallaga minst 3 veker før årsmøtet. Alle saker som ikkje gjeld oppløysing eller lovbrigde vert avgjorde med simpelt fleirtal. Ved likt røystetal avgjer formannen si røyst utfallet.

Årsmøtet skal:

- velje møteleiar, referent og to til å skrive under møteboka saman med møteleiaren
- handsame styret sitt framlegg til årsmelding, rekneskap og arbeidsprogram for komande år
- fastsetje kontingent
- velje styre med varamedlemmer, revisorar, valnemnd og utsending(ar) til årsmøtet i FolkOrg
- handsame andre saker som er tekne opp av styret eller lokallaga og som ligg innanfor føremålet for organisasjonen

§5 VAL

Styret er samansett av ein leiar og fire faste medlemer.

Leiaren vert vald av årsmøtet for eitt år, styremedlemmene for to år slik at to er på val kvart år.

Dessutan vel årsmøtet for eitt år tre varamedlemmer til styret, og ein revisor. Det skal også veljast ei valnemnd på tre personar for eitt år, der ein vert vald som leiari. Dersom nokon av utsendingane krev det, skal vala skje skriftleg. Styret konstituerer seg sjølv.

§6 STYRET

Styret er ansvarleg for leiing av SFFL og skal gjennomføre arbeidsprogram og andre saker som årsmøtet har gjort vedtak om.

Styret kan elles ta opp saker som ligg innanfor laget sitt føremål og arbeidsoppgåver.

Leiaren kallar inn til styremøte og er ansvarleg for leiing av møta.

Styret er vedtaksført når minst tre av medlemen er til stades og innkallinga er sendt med minst ei vekes varsel. Styret kan vedta at tre av medlemmene skal fungere som arbeidsutval. Styret kan nemne opp nemnder til å ta seg av særskilde oppgåver innanfor laget sitt føremål.

§7 OMRFRAKT ÅRSMØTE

Det skal haldast omframt årsmøte dersom styret finn at særskilde høve gjer det naudsynt eller minst 1/3 av laga krev det.

§8 OPPLØYSING

SFFL kan berre løysast opp av årsmøtet med minst 3/4 fleirtal. Vert SFFL løyst opp og ikkje innan ti år tek opp att arbeidet på same grunnlag, avgjer FolkOrg korleis laget si eige skal takast vare på og eventuelt disponerast i fylket til føremål laget har arbeidd for.

§9 LOVENDRING

Denne lova kan berre endrast av årsmøtet eller omframt årsmøte med minst 2/3 fleirtal.